

## Script of Evening Gojri News Bulletin 22 March 2026 at 1700Hrs

ایوننگ گو جری نیوز بلیٹن مورخہ 22 مارچ 2026

یوہ آکاشوانی جموں ہے باغ علی طاہر تے عبدالمجید تیں خبر سُنو پہلاں خاص خاص خبر۔

### Headlines

\*1- وزیر اعظم نریندر مو دی بھارت مانہ سب تیں لما عرصہ توڑی کِسے چُنی گئی سرکار غی قیادت کرن آلا سیاسی لیڈر بن گیا ہیں۔

\*2- لیفٹنٹ گورنر منوج سنہا نے کول کنڈولی مندر نگر وٹہ تیں پراچین مارگ چھڑی یا ترہ نانہ چڈی دَس غے روانہ کیو ہے۔

\*3- نائب وزیر اعلیٰ سُریندر کمار چودھری ماتا ویشنو دیوی مندر مانہ حاضری دتی ہے۔

\*4- کثیر مقصدی اُجھ پروجیکٹ فر تیں پٹری ور آگیو ہے تے ٹی اے سی نے اس بارے نظر ثانی شدہ تجویز نانہ منظور کر لیو ہے۔

\*5- آج دوپہر بعد برف ساف کیا جان غو کم مکمل کیا جان غے بعد مغل روڈ ٹریفک واسطے کھول دتی گئی ہے۔

خبران غی تفصیل نال پہلاں باغ علی طاہر۔

### PM Longest Serving Head

وزیر اعظم نریندر مو دی مُلک غی چُنی گئی سرکار غا سب تیں مَتا عرصہ توڑی سربراہ بنن آلا سیاسی رہنما بن گیا ہیں۔ یوہ سنگ میل عبور کرتاں واں وزیر اعظم مو دی سکم غا وزیر اعلیٰ تیں آگے نکل گیا ہیں ، جنہاں نے 8 ہزار 9 سو 30 روز توڑی سکم سرکار غی قیادت کی ہے۔ وزیر اعظم مو دی نے 8 ہزار 9 سو 31 روز توڑی سرکار غی سربراہی کرتاں واں یوہ ریکارڈ قائم کر لیو ہے۔ اُن غا اِس عرصہ مانہ گجرات غا وزیر اعلیٰ تے مُلک غا وزیر اعظم غا طور ور حکومتاں غی سربراہی غا دِن شامل کیا گیا ہیں۔ اِس راہ اُن غی قیادت غا مجموعی عرصہ مانہ ہُن 25 ووں سال شروع ہو گیو ہے۔ اُن غی طرفوں کی جان آلی قیادت غا سنگ میل مانہ یاہ اک نمایاں حصولیابی ہے تے اُنہاں نے یاہ حصولیابی حاصل کرن مانہ دہایاں توڑی بلا رکاوٹ عوامی خدمت تے اعلیٰ سطح ور سیاسی قیادت سنگ حاصل کی ہے۔

-----

## LG Charri Yatra

لیفٹنٹ گورنر منوج سنہا نے آج تاریخی کول کنڈولی مندر نگروٹہ تیں شری ماتا ویشنو دیوی غی 24 ویں پراجین متبرک چھڑی یا ترا نانہہ چنڈی دس غے روانہ کیو۔ لیفٹنٹ گورنر نے چھڑی یا ترا غی پراتھم پوجا مانہہ شرکت کی تے اس غے نال ہی اس یا ترا غو آغاز ہو گیو۔ انہاں نے مندر مانہہ اپنی عقیدت غو اظہار کرتاں واں یوٹی غی عوام واسطے امن، خوشحالی تے خیریت غی دُعا کی۔ متبرک جیوت نانہہ لے غے چھڑی یا ترہ اولی ماتا مندر بمیال واسطے روایتی رستہ تیں ہو غے گذری۔ نگروٹہ اسمبلی حلقہ غی ایم ایل اے دیویانی رانہ جہیڑی اس موقع ور موجود تھیں نے میڈیا غا نمائنداں سنگ گل کرتا واں کہیو۔ بانٹ۔۔

-----

## Dy CM- VD Visit

نائب وزیر اعلیٰ سُریندر کمار چودھری نے آج ماتا ویشنو دیوی غا درشن کیا ہیں۔ اخبا ری نمائنداں سنگ اپنا تا ثرات ظاہر کرتاں واں نائب وزیر اعلیٰ غو کہنو تھو جے ان غی یاہ یا ترہ بڑی خوشگوار تے تسلی بخش رہی ہے۔ انہاں نے دسیو ہے جے وے اپنا گنہہ غا افراد سنگ ماتا ویشنو دیوی غا چرناں مانہہ حاضر ہوا ہیں۔ ان غو کہنو تھو جے گذشتہ بہراں غے مقابلے اس سال ماتا ویشنو دیوی غا دربار مانہہ زیادہ تعداد مانہہ لوکاں غی حاضر دیکھی جا رہی ہے۔ انہاں نے کہیو جے گذشتہ سال یا تریاں غی کمی سنگ تشویش ظاہر کی گئی تھی۔ اس بارے اپنا مزید تاثرات بیان کرتاں واں نائب وزیر اعلیٰ نے کہیو۔ بانٹ۔۔

-----

## Pilgrims Rush-Sukrala

ضلع کٹھوعہ گا بلا ور علاقہ مانہہ قائم ماتا شاردھا سُکرا لا دیوی مندر مانہہ آج عقیدت منداں غی کاصی بھيڑ دیکھی گئی ہے۔ جموں تے اس غا کول کال غا علاقہ تیں آیا متی تعداد مانہہ لوہ مندر مانہہ حاضر دے غے پوجا مانہہ مشغول دیکھیا گیا۔ مال ماتا مندر غا ناں سنگ مشہور سُکرا لہ شرائن "ماں شاردھا" نانہہ وقف کیو گیو ہے۔ بلا ور غی سیرین پہاڑیاں غا کہیرہ مانہہ بنیا اس مندر نانہہ ماں شاردھا نانہہ وقف کیو گیو ہے۔ جس مانہہ دُرگا غی اوتار غا طور ور قابل احترام سمجھیو جائے۔ آکاشوانی نیوز سنگ گل کرتاں واں مندر غا پُجاری غو کہنو تھو۔ بانٹ۔۔

-----

## Prog Announcement

ریجنل نیوز یونٹ آکاشوانی جموں کل یعنی 23 مارچ نانہ دوپہر 12 بجے 25 منٹاں ور مبنی اک خصوصی پروگرام نشر کرے گو۔ یوہ پروگرام شہید دیوس سال 2026 غی مناسبت سنگ تیار کیو گیو ہے۔ اس خصوصی پروگرام غو عنوان " شہید کدے مرتا نہیں، تے اُن غو نصب العین ہمیشہ موجود رہ" رکھیو گیو ہے۔ اس پروگرام غا مہمان سینٹرل یونیورسٹی جموں غا اسسٹنٹ پروفیسر ڈاکٹر روئل پر بہار وین گا، جہیڑا پروگرام غا عنوان ور اپنی ماہرانہ رائے سنگ سامعین نانہ نوازیں گا۔ پروگرام غی میزبانی غا فرائض مہارا اینکر وجے بجاج انجام دے رہیا ہیں۔

-----

خبران غا باقی حصہ نال عبدالمجید ور اپس تیں پہلاں یوہ سنیو۔

### Ujh Multipurpose Project

اک تاریخی فیصلہ مانہ مرکزی جل شکتی وزارت غی تکنیکی مشاورتی کمیٹی ٹی اے سی نے کٹھوعہ ضلع مانہ اُجھ کثیر مقصدی پروجیکٹ غی نظر ثانی شدہ تجویز نانہ ہری جھنڈی دے دتی ہے۔ اس منصوبہ نال پاکستان مانہ جان آلا غیر استعمال شدہ پانی غا بہائو نانہ روکن مانہ مدد ملے گی۔ ٹی اے سی نے اپنی حالیہ میٹنگ مانہ کٹھوعہ ضلع مانہ اُجھ کثیر مقصدی پروجیکٹ غی نظر ثانی شدہ تجویز ور تفصیلی غور و خوض کیو تے آخر کار اس نانہ منظوری دے دتی ہے۔ تکنیکی مشاورتی کمیٹی غا اس فیصلہ غو مرکزی وزیر تے کٹھوعہ تیں ممبر پارلیمنٹ ڈاکٹر جتندر سنگھ نے خیر مقدم کیو ہے۔ اُنہاں نے کہیو ہے اُجھ ملٹی پریز پروجیکٹ نال پنجاب تے جموں کشمیر نانہ کئی طریقاں نال فائدو وے گو۔

-----

### Mughal Road Opens

صوبہ جموں غا دو ضلعان راجوری تے پونچھ نانہ جنوبی کشمیر غا ضلع شوپیاں نال جوڑن آلی مغل شاہراہ اج گڈیاں غی آئو جائی واسطے کھول دتی گئی ہے۔ اس تاریخی شاہراہ ور گڈیاں غی آئو جائی پچھلا تقریباً 10 تہاڑاں تیں بند تھی۔ گریف غا او سی اشیش گپتا نے دسیو ہے جے مغل روڈ ور سول تے مال بردار گڈیاں غی نقل و حمل غی اجازت دتی گئی ہے تے ہم نے موسم صاف رہن غی صورت مانہ اج بعد دوپہر مغل شاہراہ ور برف صاف کرن غو کم مکمل کیو ہے۔ اُنہاں نے کہیو۔۔ بانٹ۔۔ اس دوران پونچھ غا مقامی لوکاں نے مغل شاہراہ ور گڈیاں غی آمدورفت بحال کرن واسطے بی آر او تے لیفٹنٹ گورنر انتظامیہ غو شکریو ادا کیو ہے۔

-----

## Water Day Poonch

پونچھ مانہہ جل شکتی محکمہ نے اج پانی غو عالمی تیہاڑو منایو تے اس موقع ور سلسلہ وار بیداری پروگرام تے پانی غا بکھ بکھ قدرتی وسائل غا پانی غی جانچ غی خصوصی مہم چلائی گئی۔ محکمہ نے پانی غو ذمہ داری نال استعمال کرن تے اس غی سانبھ سنبھال غی ضرورت بارے لوکان نانہہ بیدار کرن غی اک جامع مہم غو انعقاد کیو تے تازہ پانی غی اہمیت بارے دسیو۔ محکمہ غا عہدیداراں تے دوجا عملہ نے مقامی لوکان نانہہ پانی غی قلت غا مسئلہ بارے دستاں واں پانی غا قدرتی وسائل غا تحفظ غی اہمیت بارے وی جانکاری دتی۔ آکاشوانی نیوز نال گل کرتاں واں ایکزیکٹوانجینئر جل شکتی ویشال تھاپا نے کہیو۔ بانٹ۔۔

-----

## Sheep Husbandry Ramban

پھیڑ پالن محکمہ رام بن گرائیاں مانہہ رہن آلا لوکان غی معاشی حالت نانہہ بہتر کرن غی خاطر لوہکی سطح ور بھيڑ بکری پالن غا شعبہ غی ترقی ور زور دے رہیو ہے۔ محکمہ بھيڑ بکریاں غی صحت دیکھ بھال غا سلسلہ مانہہ بیماری تیں بچائو غا ٹیکا، کیڑا مار دوائی مہیا کرن ، نسل بہتر بنان تے مربوط بھيڑ بکری پالن بارے ترقی غی اسکیمان غا نفاذ غا سلسلہ مانہہ رعایت دین تے بھيڑ بکری پالن غا یونٹ قائم کرن جیسی سرگرمیاں ور زور دے رہیو ہے۔ بھيڑ بکری غی صحت نانہہ برقرار رکھن واسطے محکمہ بکھ بکھ بیماریاں تیں بچائو غا ٹیکا لاغے دوجی کئی بیماریاں تیں بچائو غی دوائی مہیا کر رہیو ہے۔ رام بن مانہہ مذکورہ محکمہ کساناں تے نوجواناں نانہہ بھيڑ بکری پالن غا سلسلہ مانہہ جدید تے سائنسی پائیدار طریقاں بارے تربیت وی دے رہیو ہے۔ اس بارے مزید جانکا ری دے رہیا ہیں ڈسٹرکٹ شیپ ہسبنڈری افسر ڈاکٹر شبیر احمد خان۔۔ بانٹ۔۔

-----

-----

اس غے نال ہی خبراں غو یوہ بلیٹن ختم ہوؤ۔